

唐詩所前集


二九

二十

五言律詩

					漢書門類
			一八四三號		
		八〇函			
	四架				
三二冊					

內閣文庫			
三九函	一八四三號		漢書類
一六架	三二冊		



內閣文庫	
番號	漢 11843
冊數	32 (19)
函號	319 124



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



御製所第二十九卷

律詩

侍宴

應詔賦韻得前字

虞世南

芬芳禁林晚容與桂舟前橫空一鳥度照水百花然綠
野明斜日青山澹晚煙濫陪終宴賞握管類窺天

前題

得分字

喬知之

紫禁肅晴氛朱樓落曉雲豫遊龍駕轉天樂鳳簫聞竹
外仙亭出花間輦路分微臣一何幸詞賦奉明君

滌水侍宴

應制得濃字

張說

千行發御柳一葉下仙筇青浦宸遊至朱城紫氣濃雲
霞交暮色草樹喜春容藹藹天旗轉清笳入九重

前題

得長字

宗楚客

御輦出明光乘流泛羽觴珠胎隨日減玉漏與年長寒
盡梅猶白風遲柳未黃日斜旌騎轉休氣滿林塘

泛舟侍宴

應制

張易之

平明出御溝解纜坐迴洲綠水澄明月紅羅結綺樓弦
歌爭浦入冠蓋逐川流白魚臣作伴相對舞王舟

春日洛陽城侍宴

應制二首

姚崇

南山開寶曆北渚對芳蹊的歷風梅度參差露草低堯
樽臨上席舜樂下前溪任重由來醉乘酣志轉迷
遊豫停仙蹕登臨對晚晴川鳧連倒影巖鳥應虛聲野

奏風成曲山居雲作纓今朝丘壑上高興小蓬瀛

上陽宮侍宴

應制得林字

宋之問

廣樂張前殿重裘感聖心砌奠霜月盡庭樹雪雲深舊
渥驂宸御慈恩忝翰林微臣一何幸再得聽瑤琴

銀漢宮侍宴

應制得枝字

魏元忠

別殿秋雲上離宮夏景移寒風生玉樹涼氣下瑤池灑
花仍吐葉巖木尚抽枝願奉南山壽千秋長若斯

初春行宮侍宴

應制得天字

蘇味道

溫液吐涓涓跳波急應弦簪裾承睿賞花柳發韶年聖
酒千鍾洽宸章七曜懸微臣從此醉還似夢鈞天

麟趾殿侍宴 應制

宋之問

北闕層城峻西宮複道懸乘輿歷萬戶置酒望三川花
柳含丹日山河入綺筵欲知陪賞處空外有飛煙

甘露殿侍宴 應制

李嶠

月宇臨丹地雲牕網碧紗御筵陳桂醕天酒酌榴花水
向浮橋直城連禁苑斜承恩恣歡賞歸路滿煙霞

仙萼亭初成侍宴 應制

沈佺期

山中氣色和宸賞第中過輦路披仙掌帷宮拂帝蘿泉
臨香澗落峰入翠雲多無異登玄圃東南望白河

宿羽亭侍宴 應制

杜審言

步登千門出離宮二月開風光新柳報宴賞落花催碧
水搖空閣青山繞吹臺聖情留晚興歌管送餘杯

蘘荷亭侍宴 應制

張說

迴鑿青岳觀帳殿紫煙峰仙路迎三鳥雲衢駐兩龍園
林看化 一作塔壇 識餘封山外聞簫管還如天上逢

梨園亭侍宴 應制

喬知之

年光陌上發香輦禁中遊草綠鴛鴦殿花紅翡翠樓天
杯承露酌仙管雜風流今日陪歡豫皇恩不可酬

歸鴈堂侍宴 應制

虞世南

歌堂面淥水舞館接金塘竹開霜後翠梅動雪前香鳧

歸初命侶鴈起欲分行刷羽同棲集懷恩愧稻梁

春日侍宴幸芙蓉園 應制

李嶠

年光竹裏遍春色杏間遙煙氣籠青閣流文蕩畫橋飛
花隨蝶舞豔曲伴鶯嬌今日陪歡豫還疑陟紫霄

前題

李義

水殿臨丹籞山樓繞翠微昔遊人託乘今幸帝垂衣澗
篠緣峰合巖花逗浦飛朝來江曲 一作回 地無處不光

輝

前題

宋之問

芙蓉秦地沼盧橘漢家園谷轉斜盤徑川 一作江 迴曲抱

原風來花自舞春入鳥能言侍宴瑤池夕歸途騎吹繁

前題

蘇頌

御道紅 一作虹 旗出芳園翠輦遊繞花開水殿架竹起山
樓荷芰輕薰幄魚龍出負舟寧如穆天子空賦白雲秋

梁王第侍宴

韋安石

梁園開勝景 一作境 軒駕動宸衷早荷承湛露修竹引薰
風九醞傾鍾石百獸協絲桐小臣陪宴鎬獻壽奉維嵩

前題

張說

梁王池館好曉日鳳樓通竹町羅千衛蘭筵降兩宮清
歌芳樹下妙舞落花中臣學延州聽還知大國風

侍從過公主南宅侍宴

應制探得風字

張易之

逐賞平陽第鳴笳上苑東鳥吟一作啼千戶竹蝶舞百花

藜時攀小山桂共挹大王風坐客無勞起秦簫曲未終

安樂公主移入新宅侍宴

應制同用開字

趙彥昭

雲物中京曉天人外館開飛橋像河漢懸榜學蓬萊北
關臨仙檻南山送壽杯一窺輪奐畢慚慙棟梁材

前題

武平一

紫漢秦樓敞黃山魯館開簪裾分上席歌舞列平臺馬
既如龍至人疑學鳳來幸欣一作茲聯棣萼何以接鄒枚

前題

沈佺期

初聞衡漢來移住斗城隈錦帳迎風轉瓊筵拂霧開馬
香遺舊埽鳳吹繞新臺為問沈冥子仙槎何處回

前題

宗楚客

星橋他日創仙榜此時開馬向鋪錢埽簫聞弄玉臺人

同一作疑衛叔美容是一作似長卿才借問遊天漢誰能取

石廻

太平公主山莊侍宴

應制

張昌宗

淮南有小山羸女隱其間折桂芙蓉浦吹簫明月灣扇
掩將雛曲釵承墮馬鬟歡情本無限莫掩洛城關

侍宴長寧公主東莊

應制

李嶠

別業臨青甸鳴鸞降紫霄長筵鵷鷺集仙管鳳凰調樹
接南山近煙含北渚遙承恩咸已醉戀賞未還鑣

前題

劉憲

公主林亭地清晨降玉輿畫橋飛渡水仙閣涌臨

一作凌

虛晴新看蛺蝶夏早摘芙蓉文酒娛遊盛忻叨侍從餘

前題

李义

紫禁乘雷動青門訪水嬉貴遊鱸序集

一作上台

仙女

鳳樓期合宴簪紳滿承恩雨露滋北辰還捧日東館幸

逢時

前題

李適

鳳樓紆睿幸龍舸暢宸襟歌舞平陽第園亭沁水林山
花添聖酒澗竹繞薰琴願奉瑤池駕千春侍德音

前題

崔湜

沁一作芳園東郭外鸞駕一遊盤水榭宜時陟山樓向晚

看席臨天女貴杯接近臣歡聖藻懸宸象微臣竊仰觀

賜史供奉曲江讌

奉和聖製

王維

侍從有鄒枚瓊筵就水開言陪柏梁宴新下建章來對

酒山河滿移舟草樹迴天文同麗日駐景惜行杯

四月三日上陽水牕賜宴

應制得春

孫逖

今日逢初一作新夏歡遊續舊旬氣和先作雨恩厚別成

春鳳吹一作管臨清洛龍輿下紫宸此中歌在藻還見躍潛鱗

上陽水牕旬宴應制得移字張九齡

河漢非應到汀洲忽在斯仍逢帝樂下如逐海槎窺春賞時將換皇恩歲不移今朝遊宴所莫比天泉池

天津橋東旬宴應制得歌字

清洛象天河東流形勝多朝來逢宴喜春盡却妍和泉鮪歡時躍林鶯醉後一作裏歌賜恩頻若此為樂柰人何

恩制賜食於麗正殿書院宴賦得林張說

東壁圖書府西垣一作園翰墨林誦一作諷詩聞國政講易

見天心位竊和羹重恩叨醉酒深緩歌春興曲情竭為知音

麗正殿賜宴應制同勒天前煙年四王灣

金殿忝陪賢瓊羞忽降天鼎羅仙掖裏觴拜瑣闈前院逼青霄路厨和紫禁煙酒酣空忭舞何以答昌年

前題徐安貞

校文常近日賜宴忽昇天酒正傳杯至褻人捧案前玉階鳴溜水清閣引歸煙共惜芸香暮春風幾萬一作年

同望幸新亭賜錢公宴應制李愷

感夢通玄化覃恩降紫宸賜錢開漢府分帛醉堯人地

隔朝宗慶亭臨卜洛新行看廣雲雨二月次東巡

修書院學士奉勅宴梁王宅賦得門魏元忠

大君敦宴賞萬乘下梁園酒助間平樂人霑雨露恩榮
光開帳殿佳氣滿旌門願陪南岳壽長奉北宸樽

勅賜寧王池宴 張九齡

賢王有池館明主賜春遊淑氣林間發恩光水上浮徒

慚一作和鼎地終謝巨一作濟川舟皇澤空如此輕生莫

可酬

宴龍泓 武三思

登臨開勝託眺矚盡良遊巖嶠縈紆上澄潭屈曲流泛

蘭清興洽折桂野文道別後相思處崎嶇碧澗幽

奉和應教得微字 宋之問

水府淪幽壑星輶下太一作紫微鳥驚司僕馭花落侍臣

衣芳樹搖春晚晴雲繞座飛淮王正留客不醉莫言歸

後渚宴 陳叔達

大渚初驚夜中流沸鼓輦寒沙滿曲浦夕霧上邪谿岸
廣鳧飛急雲深鴈度低嚴關猶未遂此夕待晨雞

聖泉宴序曰玄武山有聖泉焉浸淫歷數百千年

咸古人遺跡也茲乃青蘋綠芰紫苔蒼蘚遂使
江湖思遠寤寐寄託既而崇巒左峻石壑前縈
丹嶠萬尋碧潭千頃松風唱響竹露薰空蕭瀟
乎人間之難遇也方欲以林壑為天厲琴樽為

日用嗟乎古今 方深川上之悲少長同遊 且盡山陰之樂蓋題芳什共寫高情詩得泉字

王勃

披襟乘石磴列籍俯春泉
蘭氣薰山酌松聲韻野弦
影飄垂葉外香度落花前
興洽林塘晚重巖起夕煙

早春陪崔中丞浣花谿宴

得暄字一作岑參

張謂

旌節臨谿口寒郊斗覺暄
紅亭移酒席畫鷁逗江村
雲帶歌聲颺風飄舞袖翻
花間催秉燭川上欲黃昏

與鄆縣源大少府宴漢陂

得寒字

杜甫

應為西陂好金錢罄一餐
飯抄雲子白瓜嚼水精寒
無計迴船下空愁避酒難
主人情爛熳持答翠琅玕

從岐王夜讌衛家山池

王維

座客香貂滿宮娃綺幔張
澗花輕粉色山月少燈光
積翠紗牕暗飛泉繡戶涼
還將歌舞出歸路莫愁長

蕭文學山池宴

獨孤及

檀欒千畝綠知是辟疆園
遠岫當庭戶諸花覆水源
王人邀盡醉林鳥助狂言
莫問愁多少今皆付酒樽

宴榮二山池

孟浩然

甲第開金穴榮期樂自多
櫪嘶支遁馬池養右軍鵝
竹引攜琴入花邀載酒過
山公來取醉時唱接羅歌

李卿東池夜宴

得池字

獨孤及

政成機不擾心愜宴忘疲去燭延高月傾壘就小池舞
盤迴雪動絃奏躍魚隨自是山公興誰令下士知

同李太守北池泛舟宴鄭高平

高適

每揖龔黃事還陪李郭舟雲從四岳起

一作去

水向百城

流幽意隨登陟嘉言卽獻酬乃知縫掖貴今日對諸侯

喜華陰王少府使到南池宴

岑參

有客至鈴下自言身姓梅仙人掌裏使黃帝鼎邊來竹

影拂棋局荷香隨酒杯池前堪醉卧待月未須回

陪趙行軍北庭泛舟宴王侍御

誰宴霜臺使行軍粉署郎唱歌江鳥沒吹笛岸花香酒

影搖新月灘聲聒夕陽江鐘聞已暮歸棹綠川長

雲陽驛陪

使君邵道士夜宴

張子容

一尉東南遠誰知此夜歡諸侯傾皂蓋仙客整黃冠染

翰燈花滿飛觴雲氣寒欣承國士遇更借美人看

宴戎州楊使君東樓

杜甫

勝絕驚身老情忘發興奇座從歌妓密樂任主人爲重

碧拈春酒輕紅擘荔枝樓高欲愁思橫笛未休吹

楚江黃龍磯南宴楊執戟治樓

李白

五月入五洲碧山對青樓故人楊執戟春賞楚江流一

見醉

一作波

漂月三杯縱棹謳桂枝蟄不盡他日更相求

宴陳十六樓

李頎

西樓對金谷此地古人心白日落庭內黃花生澗陰四
鄰見疎木萬井度寒砧石上題詩處千年留至今

初秋登王司馬樓宴

序曰司馬公千里騰光翼外臺而展足九日多暇敞麗譙

以開筵于時葭散秋灰檀移夏火鴻飛漸陸流斷吹以來寒鶴鳴在陰振中天而警露于是籥開玉饌交雜佩而薰蘭酒泛金翹映清樽而湛菊雖俯臨廣派有異章梁之遊而俯瞰崇墉雅叶城隅之會物色相召江山助人

駱賓王

展驥端居暇登龍嘉宴同締賞三清滿承歡六義通野

晦寒陰

一作烟

積潭虛夕照空顧慙非夢鳥濫此厠雕蟲

季秋蘇五弟纓江樓夜宴崔十三評事韋少府姪

二首

杜甫

峽險江驚急樓高月迴明一時今夕會萬里故鄉情星
落黃姑渚秋辭白帝城老人因病酒堅坐看君傾
明月生長好浮雲薄漸遮悠悠照邊塞悄悄憶京華清
動杯中物高隨海上槎不眠瞻白兔百過落烏紗
對月那無酒登樓况有江聽歌驚白鬢笑舞拓秋牕樽
蟻添相續沙鷗並一雙盡憐君醉倒更覺片心降

崔駙馬山亭宴

蕭史幽棲地林間踏鳳毛湫流何處入亂石閉門高客
醉揮金椀詩成得錦纈一作袍清秋多宴會終日困香醪

春日宴宋王簿山亭

得寒字

宋之問

公子正邀歡林亭春未闌攀巖踐苔易迷路出花難
牕覆垂楊暖堦侵瀑水寒帝城歸路直留興接鷓鴣

陪王侍御宴通泉東山野亭

杜甫

江水東流去清樽日復斜異方同宴賞何處是京華
亭景臨山水村煙對浦沙狂歌遇形勝得醉即為家

早秋宴張郎中海亭即事

孟浩然

側聽絃歌宰文書游夏徒故園欣賞竹為邑幸來蘇
華省會聯事仙舟復與俱欲知臨泛久荷露漸成珠

前題

盧象

邑有絃歌宰翔鸞狎野

一作巴狎鷗眷言華省舊暫滯

一作拂

海池遊鬱島藏深竹前谿對舞樓更聞書即事雲物是
新秋

春夜峽州田侍御長史津亭宴

得筵字

杜甫

北斗三更席西江萬里船杖藜登水榭揮翰宿春天白
髮須一作煩多酒明星惜此筵始知雲雨峽忽盡下牢邊

郡南亭子宴

張謂

亭子春城外朱門向綠林柳枝經雨重松色帶煙深
灑酒迎山客穿池集水禽白雲常在眼聊足慰人心

宴越府陳法曹西亭

孫逖

公府西巖下紅亭間白雲雪梅初度臘煙竹稍迎暝水
木涵澄景簾櫳引霽氛江南歸思逼春鴈不堪聞

虢州西亭陪端公宴

岑參

紅亭出鳥外駿馬繫雲端萬嶺牕前睥千家肘底看開
瓶酒色嫩踏地葉聲乾爲逼霜臺使重裘也覺寒

奉陪相公西亭夜宴陸郎中

獨孤及

仙良膺上才夜宴接三台燭引銀河轉花連錦帳開靜
看歌扇舉不覺舞腰回寥落東方曙無辭盡玉杯

和韋尚書答梓州兄南亭宴

張九齡

棠棣聞餘興烏衣有舊遊門前杜城陌池上曲江流暇

日嘗繁會清風詠阻修始知西峙嶽同氣此相求

前題

孫逖

臺閣升高位園林隔舊鄉忽聞歌棣萼還比報瓊芳門
向宜春近一作早郊連御宿長德星常有會相望在文昌

宴陶家亭子

李白

曲巷幽人宅高門大士家池開照膽鏡林吐破顏花綠
水藏春日青軒秘晚霞若聞絃管妙金谷不能誇

宴吳王宅

祖詠

吳王承國寵列第禁城東連夜徵詞客當春試舞童砌
分池水岸牕度竹林風更待西園月金樽樂未終

宴王使君宅 二首

杜甫

漢主追韓信蒼生起謝安吾徒自飄泊世事各艱難
途旅招邀近他鄉意緒寬不才甘朽質高卧豈泥蟠

汎愛容霜鬢留歡上一作夜關自吟詩送老相勸酒開

顏戎馬今何地鄉園獨在山江湖墮清月醕酌任扶還

宴忠州使君姪宅

出守吾家姪殊方此日歡自須遊院巷一作不是泊湖

灘樂助長歌逸一作杯饒旅思寬昔曾如意舞牽率強

爲看

宴李監宅 二首

尚覺王孫貴豪家意頗濃屏開金孔雀襦隱繡芙蓉且

食雙魚美誰看異味重門闌多喜色女壻近乘龍

華館春風起高城煙霧開雜花分戶映嬌燕入簾迴一

見能傾座虛懷只愛才鹽官雖絆驥名是漢庭來

讌鄭伯璵宅

張謂

正月風光好逢君上客稀曉風催鳥嘯春雪帶花飛堂

上吹金管庭前試舞衣俸錢供酒債行子未須歸

春夜韋明府宅宴

得春字

駱賓王

酌桂陶芳夜披薜嘯幽人雅琴馴魯雉清歌落范塵宿

雲低迴葢殘月上虛輪幸此承恩洽聊當故鄉春

秋夜宴臨津鄭明府宅

杜審言

行止皆無地招尋獨有君酒中堪累月身外即浮雲露
白宵鍾徹風清曉漏聞坐攜餘興往還似未離羣

初秋於竇六郎宅宴

序曰六郎道合未葵嘯懸鵲而契賞諸君情諧伐木仰登

龍以締歡于時一葉驚寒下陳柯而捲翠百花
疑照淡虛曠以披紅既而俱欣得免之情共掩
亡羊之淚物我雙致匪石席以言藺心口兩齊
混汚隆而酌桂雖忘筌戴笠與交態於靈臺而
擲管操觚叶神心於勝氣盍陳六義請賦一言
既事疑毫成者先唱云爾

駱賓王

千里風雲契一朝心賞同意盡深交合一作洽神靈俗累
空草帶銷寒翠花枝發一作斂夜紅唯將淡若水長挹古

人風

冬日宴于庶子宅

賦得平字

岑文本

金蘭篤惠好樽酒暢生平既欣投轄賞暫緩望鄉情愛
景含霜晦落照帶風輕於茲歡宴洽寵辱詎相驚

前題

得鮮字

劉孝孫

解襟遊勝地披雲促宴筵清文振筆妙高論寫言泉凍
柳含風落寒梅照日鮮驪歌雖欲奏歸駕且留連

前題

得歸字

許敬宗

倦游嗟落拓短翮慕追飛周醪忽同醉牙絃乃共揮油
雲澹寒色落景靄霜霏累日方投分茲夕諒無歸

冬宴

得杯字

于志寧

陋巷朱軒擁衡門緹騎來俱裁七步詠同傾三雅杯色
動迎春柳花發犯寒梅賓筵半未醉驪歌不用催

同羣公十月朝宴李太守宅

高適

良牧徵高賞褰帷問考槃歲時當正月甲子入初寒已
聽甘棠頌欣陪旨酒歡仍憐門下客不作布衣看

寒夜張明府宅宴

孟浩然

瑞雪初盈尺閒一作寒宵始半更列筵邀酒伴刻燭限詩
成香炭金爐暖嬌絃玉指清醉來方欲卧不覺曉雞鳴

一作厭厭不覺醉歸路曉霞生

行軍雪後月夜宴王卿宅

岑參

子夜雪華餘卿家月影初酒香薰枕席鑪氣暖軒除晚
歲宦情薄行軍歡宴疎相逢剝取醉身外盡空虛

宴胡侍御書堂

李尚書之芳鄭祕監
審同集得歸字

杜甫

江湖春欲暮牆宇日猶微閣閣書籍滿輕輕花絮飛翰
林名有素墨客興無違今夜文星動吾儕醉不歸

宴張別駕新齋

孟浩然

世業傳珪組江城佐股肱高齋徵學問虛薄濫先登講
論陪諸子文章得舊朋士元多賞激衰病恨無能

和江陵宋大少府暮春雨後同諸公及舍弟宴書

齋

杜甫

渥洼汗血種天上麒麟兒才士得神秀書齋聞爾為棣
華晴雨好綵服暮春宜朋酒日歡會老夫今始知

從岐王宴楊氏別業

王維

楊子談經所一作處淮王載酒過興闌啼鳥換一作緩坐久
落花多逕轉迴銀燭林開散玉珂嚴城時未啓前路擁

一作笙歌

夜宴左氏莊

杜甫

風林纖月落衣露淨琴張暗水流花逕春星帶草堂檢
書燒燭短看一作說劍引杯長詩罷聞吳詠扁舟意不忘

蚤春夜宴

則天皇后

九春開上節千門敞夜扉蘭燈吐新焰桂魄朗圓輝送
酒惟須滿流杯不用稀務使霞漿興方乘 洛歸

春日醴泉杜明府承恩五品宴

岑參

鳧鳥舊稱仙鴻私降自天青袍移草色朱綬奪花然邑
裏雷仍震臺中星欲懸吾兄此棲棘因得賀初筵

冬日宴

駱賓王

二三物外友一百杖頭錢賞洽袁公地情披樂令天促
席一作膝鸞觴滿當鑪獸炭然何須攀桂樹逢此自留連

幽州夜宴

張說

涼風吹夜雨蕭瑟動寒林正有高堂宴能忘遲暮心軍
中宜一作多劍舞塞上重笳音不作邊城將誰知恩遇深

夜宴 同用人字

張謂

北斗回新歲東園值早春竹風能醒酒花月解留人邑
宰陶元亮山家鄭子真平生頗同道相見日相親

陪李金吾花下宴

杜甫

勝地初相引徐行得自娛見輕吹鳥毳隨意數花鬚細
草稱偏坐香醪懶再沽醉歸應犯夜可怕李金吾

陪封大夫宴

得征字時封公兼鴻臚卿

岑參

西邊虜盡平何處更專征幕下人無事軍中政已成座

參殊俗語樂雜異方聲醉裏東樓月偏能照列卿

故刑部李尚書荆谷山集

張九齡

嘗聞繼老聃身退道彌艱結宇倚青壁疏泉噴石潭苔
石隨人古煙花寄酒酣山光紛向夕歸興杜城南

劉九法曹鄭瑕丘石門集

杜甫

秋水清無底蕭然淨客心掾曹乘逸興鞍馬到荒林一作
去相能吏逢聯壁華筵直一金晚來橫吹好泓下亦龍

吟

王十五前閣集

楚岸收新雨春臺引細風情人來石上鮮鱸出江中鄰

舍煩書札肩輿強老翁病身虛俊味何幸飫兒童

羣公集畢氏林亭

陳子昂

金門有遺世

一作

鼎實恣和邦默語誰能

相

一作識琴樽

寄北牕子牟戀魏闕漁父愛滄江良時信同此歲晚迹

難雙

夏日與崔二十一同集衛明府宅

孟浩然

言避一時暑池亭五月開喜逢金馬客同飲玉人杯舞

鶴乘軒至遊魚擁劍來座中殊未起簫管莫相催

暮秋會嚴京兆後廳竹齋

岑參

京兆小齋寬公庭半藥欄甌香茶色嫩牕冷竹聲乾盛

德中朝貴清風畫省寒能將吏部鏡照取寸心看

與盧象集朱家

王維

主人能愛客終日有逢迎貫得新豐酒復聞秦女箏柳

條疎客舍槐葉下秋城語笑且爲樂吾將達此生

設缸面酒欵蕭翼

探得來字

釋辯才

初醞一缸開新知萬里來披雲同落寞步月共徘徊夜

久孤琴思風長旅鴈哀非君有秘術誰照不然灰

答僧辯才

蕭翼

邂逅欵良宵殷勤荷勝招彌天俄若舊初地豈成遙酒

蟻傾還泛心猿躁似調誰憐失羣翼長苦業風飄

望終南山

太宗

重巒俯渭水碧嶂挿遥天出紅扶嶺日入翠貯巖煙疊
松朝若夜複岫闕疑全對此恬千慮無勞訪九仙

賦終南山

應詔用風字

楊師道

眷一作睿言懷隱逸輟駕踐幽叢白雲飛夏雨碧嶺橫一作

冠春虹草綠長楊路花疎五柞宮登臨日將晚蘭桂起

香風

詠終南山

蓬萊三殿侍宴奉勅作

杜審言

北斗掛城邊南山倚殿前雲標金闕迴樹杪玉堂懸半
嶺通佳氣中峰繞瑞煙小臣持獻壽長此戴高一作堯天

望終南山

王維

太乙近天都連山到海隅白雲迴望合青靄入看無分
野中峯變陰晴衆壑殊欲投人處宿隔水一作浦問樵夫

登驪山高頂寓目

中宗

四郊秦漢國八水帝王都閭閻雄里閭城闕壯規模貫
渭稱天邑含岐實奧區金門披玉館因此識皇一作黃圖

奉和

李嶠

步輦陟山巔山高入紫煙忠臣還捧日聖后欲捫天迴
識平陵樹低看華嶽蓮帝鄉應不遠空見白雲懸

奉和

趙彥昭

皇情遍九垓御輦駐昭回路若隨天轉人疑近日來河
看大禹鑿山見巨靈開願扈登封駕常持薦壽杯

奉和

劉憲

驪阜鎮皇都鑾遊眺八區原隰旌門裏風雲宸座隅直
城如斗柄宮樹似星榆從臣詞賦未濫得天衢

奉和

武平一

鑾輿上碧天翠帟拖晴煙絕寧紆仙逕層崑敞御筵雲
披丹鳳闕日下黑龍川更覩南薰奏流聲入管弦

奉和

張說

寒山上半空臨眺盡寰中一作畫圖是日巡遊處晴光遠近

同川明分渭水樹暗辨新豐巖壑清音暮天歌起大風

奉和

李义

崖巘萬尋懸居高敞御筵行戈疑駐日步輦若升天城

闕霧中近關河雲外連謬陪登弁一作岱駕欣奉濟汾篇

奉和

崔湜

名山河壯哉玄覽一徘徊御路穿林轉旌門倚石開煙


霞肘後發河塞掌中來不學蓬壺遠經年猶未廻

奉和

張嘉貞

洞府寒山曲天遊日旰廻披雲看石鏡拂殿上金臺竹

徑龍驂下松庭鶴轡來雙童還獻藥五色耀仙材



奉和

蘇頌

仙蹕御層氛高高積翠分巖聲中谷應天語半空聞豐
樹連黃葉函關入紫雲聖圖恢寓縣歌賦小少一作潢汾

奉和登會昌山

應制

孫逖

巖磴列雲旗吾君訪道時乾行萬物覩日馭一作六龍

遲望遠迴天顧登高動睿詞願因山作壽長保會昌期

前題

一作錢起

趙起

睿想入希夷真游到具茨玉鸞登障遠雲輅出花遲泉
壑凝神處陽和布澤時六龍多順動四海正雍熙

登松山嶺

應制

宋之問

翼翼高旌轉鏘鏘鳳輦飛塵銷清蹕路雲濕從臣衣白
羽搖丹壑天營逼翠微芳聲耀今古四海警宸威

登石門

駱賓王

層巖遠接天絕嶺上棲煙松低輕蓋偃藤細弱絲一作鈎
懸石明如掛鏡苔分似列錢暫策爲龍杖何處得神仙

觀華嶽

祖詠

西入秦關口南瞻驛路連彩雲生闕下松樹到祠邊作
鎮當官道雄都俯大川一作爲雄蓮一作危峯徑上處彷彿有神仙

佛有神仙

晚泊潯陽望廬山

孟浩然

律言 卷二十九 三十一

挂席幾千里名山都未逢泊舟潯陽郭始見香爐峯嘗
讀遠公傳永懷塵外蹤東林精舍近日暮坐一作聞鍾

湖口望廬山瀑布泉

張九齡

萬丈洪一作紅泉落迢迢半紫氛奔飛下一作流樹灑落

出重雲日照虹蜺似天清風雨聞靈山多秀色空水共

氤氳

望龍門山

杜甫

龍門橫野斷驛樹出城來氣色皇居近金銀佛寺開往

來一作還時屢改川陸一作水日悠哉相閱征塗上生涯盡

幾迴

曉望白帝城鹽山

徐步移斑杖看山仰白頭翠深開斷壁紅遠結飛樓日
出清江望暄和散旅愁春城見松雪始擬進歸舟

白鹽山

卓立羣峯外蟠根積水邊他皆任厚地爾獨近高天白
榜千家邑清秋萬估船詞人取佳句刻畫竟誰傳

登鹿門作

和張明府

孟浩然

忽示登高作能寬旅寓情絃歌既多暇山水思微一作彌
清草得風光一作先動虹因雨氣一作後成謬承巴里和非

敢應同聲

律詩五言 卷二十九 二十三

遊鳳林寺西嶺

共喜年華好來遊水石間煙容開遠樹春色滿幽山壺
酒朋情洽琴歌野與間莫愁歸路暝招月伴人還

尋天台山

吾友一作愛太乙子餐雲卧赤城欲尋華頂去不憚惡谿
名歇馬憑雲宿揚帆截海行高高翠微裏遙見石梁橫

茅山洞口

綦母潛

華陽仙洞口半嶺拂雲看窈窕穿苔壁差池對石壇方
隨地脉轉稍覺水晶寒未果變金骨歸來茲路難

曉入南山

孟浩然

瘴氣曉氛氳南山復一作沒水雲鯤飛今始見鳥墮舊來
聞地接長沙近江從汨渚分賈生曾弔屈予亦痛斯文

登天目山下作

張萬頃

去歲離秦望今冬使楚關淚添天目水髮變海頭山別
母烏南逝辭兄鴈北還宦遊偏不樂長爲憶慈顏

度大庾嶺

宋之問

度嶺方辭國停輶一望家魂隨南翥鳥淚盡北枝花山
雨初含霽江雲欲變霞但令歸有日不敢恨長沙

奉和次瓊嶽

應制

張九齡

山祗亦望幸雲雨見靈心嶽館逢朝霽關門解宿陰咸

京天上近清渭日邊臨我武因冬狩何言是即禽

前題

李林甫

東幸從人望西巡順物回雲收二華出天轉五星來十月農初罷三屯禮復開更看瓊岳上佳氣接神臺

前題

韋濟

陸海披晴雪千旗獵早陽岳臨秦路險河遠漢垣長行漏通鳩鵲離宮接建章都門信宿近歌舞從周王

夜宿七盤嶺

沈佺期

獨遊千里外高卧七盤西山一作曉月臨牀一作牕近天河入戶低芳春平仲綠清夜子規啼浮客空留聽襄城聞

曙雞

宿巫山下

李白

昨夜巫山下猿聲夢裏長桃花飛綠水三月下瞿塘雨色風吹去南行逐一作拂楚王高丘懷宋玉訪古一霑裳

北眺春陵

駱賓王

攬轡疲宵邁驅馬倦晨興既出封泥谷還過避雨陵山行明照上谿宿密雲蒸登高徒欲賦詞殫獨撫膺

山行

殷遙

寂歷青山曉山行趣不稀野花成子落江燕引雛飛暗草薰苔徑一作渚晴楊掃一作拂石磯俗人猶語此余亦轉

忘歸

入昌松東界山行

高適

鳥道幾登頓馬蹄無暫一作復閒崎嶇出長坂合沓猶前

山石激水流處天寒松色間王程應未盡且莫顧刀環

入漢川山行

呈成少尹

岑參

西蜀方攜手南宮憶比肩平生猶不淺羈旅轉相憐山
店雲迎客江村犬吠船秋來取一醉須待月光眠

與白明府遊江

孟浩然

故人來自遠邑宰復初臨執手恨為別同舟無異心沿
洄洲渚趣演漾絃歌音誰識躬耕者年年梁甫吟

泛江

杜甫

方舟不用楫極目總無波長日容杯酒深江淨綺羅亂
離還奏樂飄泊且聽歌故國流清渭如今花正多

渡江

春江不可渡二月已風濤舟楫欹斜疾魚龍偃卧高渚
花張素錦汀草亂青袍戲問垂綸客悠悠見汝曹

夜渡江

姚崇

夜渚帶浮煙蒼茫晦遠天舟輕不覺動纜急始知牽聽
草遙尋岍聞香暗識蓮唯看孤帆影常恐客心懸

渡瓜步江

駱賓王

捧檄辭幽徑鳴榔下貴一作遺洲驚濤疑躍馬積氣似連

牛月迴寒沙淨風急夜江秋不學浮雲影他鄉空滯留

渡楊子江

一作子孟浩然

丁仙芝

桂楫

一作旌節

中流望空波兩畔明林開楊子驛山出潤州

城海盡邊陰靜江寒朔吹生更聞楓葉下淅瀝度秋聲

泊楊子江

祖詠

纔入維揚郡鄉關此路

一作地

遙林藏初過

一作霽

雨風退

欲歸潮江火明沙岸雲帆礙浦橋客衣今日

一作正

薄寒

氣近

一作昨

來饒

自彭蠡湖初入江

張九齡

江岫殊空闊雲煙處處浮上來羣噪鳥中去獨行舟

落誰相顧逶迤日自愁更將心問影于役復何求

秋日陪李侍御渡松滋江

孟浩然

南紀西江闊皇華御史雄截流寧假楫挂席自生風

僚案爭攀鷁魚龍亦避驄坐聽白雪唱翻入棹歌中

江行

常建

平湖四無際此夜泛孤舟明月異方意吳歌令客愁

鄉園碧雲外兄弟淶江頭萬里無歸信傷心看斗牛

江行紀事

二首

席豫

飄飄任舟楫迴合傍江津後

一作津

浦情猶在前山賞更

新樹深煙冪冪一作漠漠灘淺石磷磷川路南行遠淹留惜

此辰

江帆春風勢山樓曙月輝猿攀紫巖飲鳥拂清潭飛古
樹崩沙岸新苔覆石磯津途賞無限征客慙忘歸

江上

張九齡

長林何繚繞遠水復悠悠盡日餘無見為心那不愁憶
將親愛別行為主恩酬感激空如此芳時屢已遒

江上

杜甫

江上日多雨蕭蕭荆楚秋高風下木葉永夜攬貂裘勳
業頻看鏡行藏獨倚樓時危思報主衰謝不能休

寒夜江口泊舟

儲光羲

寒潮信未起出浦纜孤舟一夜苦風浪自然增旅愁吳
山遲海月楚火照江流欲有知音者異鄉誰可求

巴西驛亭觀江漲

三首呈竇使君

杜甫

宿雨南江漲波濤亂遠峯孤亭凌噴薄萬井逼春容霄
漢愁高鳥泥沙困老龍天邊同客舍攜我豁心胸

轉驚波作怒只恐岸隨流賴有杯中物還同海上鷗關
心小剡縣傍眼見揚州為接情人飲朝來減片愁

向晚波微綠連空岸脚青日兼春有暮愁與醉無醒漂
泊猶杯酒踟躕此驛亭相看萬里客一作外同是一浮萍

江漲二首

江發蠻夷漲山添雨雪流大聲吹地轉高浪蹴天浮魚
鯨爲人得蛟龍不自謀輕帆好去便吾道付滄洲
江漲柴門外兒童報急流下牀高數尺倚杖沒中洲細
動迎風燕輕搖逐浪鷗漁人縈小楫容易拔船頭

長江二首

衆水會涪萬瞿塘爭一門朝宗人共挹盜賊爾誰尊孤
石隱如馬高蘿垂飲猿歸心異波浪何事卽飛翻
浩浩終不息乃知東極臨衆流歸海意萬國奉君心色
借瀟湘闊聲驅濫瀕深未辭添霧雨接上一作遇下一作過

衣襟

泛永嘉江

日暮廻舟作

張子容

無雲天欲暮輕一作轉鷁大江清歸路煙中遠廻舟月上
行傍潭窺竹暗出嶼見沙明更值微風起乘流絲管聲

夜渡淮

閻丘曉

舟人自相報落日下芳潭夜火連淮市春風滿客帆水
窮滄海畔路盡小山南且喜鄉園近能令意味甘一作榮
意未甘

與承樂諸公夜泛黃河作

閻防

煙深載酒入但覺暮川虛映水見山火鳴榔聞夜漁愛

茲山水趣忽與人世一作世人疎無暇一作假然官燭中流有

望舒

渡漢水一作漢江送客

席豫

蕭蕭蘆荻花郢客獨辭家遠棹依山響危檣轉浦斜水寒澄淺石潮落漲虛沙莫與征徒望鄉園去漸賒

漢江臨汎

王維

楚塞三湘接荆門九派通江流天地外山色有無中郡邑浮前浦波瀾動遠空襄陽好風日一作風日好留醉與山

翁一作公

與鮮于庶子泛漢江

岑參

急管更須吹杯行莫遣遲酒光紅琥珀江色碧琉璃日影浮歸棹蘆花骨鈎絲山公醉不醉問取葛疆知

臨洛水

太宗

春蒐馳一作騁駿骨總轡俯長河霞處流縈錦風前潑卷羅水花一作光翻照樹堤蘭倒插波豈必汾陰曲秋雲發

棹歌

奉和一作孫逖

薛春惑

禁園紆睿覽仙棹叶宸遊洛北風花樹江南彩畫舟榮生蘭蕙草春入鳳凰樓興盡離宮暮煙光起夕流

晚入汴水

崔顥

昨晚南行楚今朝北泝河客愁能幾日鄉路漸無多晴
景搖津樹春風起棹歌長淮亦已盡寧復畏潮波

日暮望涇水

徐玠

導源經隴阪屬汭貫羸都下瀨波常急廻圻溜亦紆毒
流秦卒斃泥糞漢田腴獨有迷津客懷歸軫暮途

初入湘中作

張九齡

征鞍窮郢路歸棹入湘流望鳥唯貪疾聞猿亦罷愁兩
邊楓作岸數處橘爲洲却記一作從來意一作翻疑夢

裏遊

夜渡湘水

孟浩然

客舟

一作行

貪利涉閭

一作夜

裏渡湘川露氣聞芳杜歌聲

識采蓮榜人投岸火漁子宿潭煙行侶

一作旅

時相問潯

陽何處邊

晚泊湘江

宋之問

五嶺恓惶客三湘顛顛顏况復秋雨霽表裏見衡山路
逐鵬南轉心依鴈北還唯餘望鄉淚更染竹成斑

自湘水南行

張九齡

落日催行舫逶迤洲渚間雖云有物役乘此更休閒暝
色生前浦清暉發近山中流澹容與唯愛鳥飛還

望洞庭湖

贈張丞相

孟浩然

八月湖水平涵虛混太清氣蒸雲夢澤波撼岳陽
一作岳陽
城欲濟無舟楫端居耻聖明坐觀垂釣者空徒一作徒有羨
魚情

過洞庭湖

杜甫

蛟室圍青草龍堆隱白沙護堤盤古木迎棹舞神鴉破
浪南風正回檣畏日斜湖光與天遠直欲汎仙槎

宿青草湖

洞庭猶在目青草續爲名宿槩依農事郵籤報水程寒
水爭倚薄雲月遞微明湖鴈雙雙起人來故北征
與賈至舍人於龍興寺剪落梧桐枝望澨湖

李白

剪落青梧枝澨湖坐可窺雨洗秋山淨林光澹碧滋水
閒明鏡轉雲繞畫屏移千古風流事名賢共此時

秋夜陪張丞相趙侍御遊澨湖

二一首序曰燕公以蓋司馬初到趙侍

御客馬韋理方舟嬉遊澨壑覽山川之異探泉石之奇騁望崇朝留樽待月一時之樂豈不盛歟賦詩者列之於左

尹恣

熊軾巴陵地鷁舟湘水潯江山與勢遠泉石自幽深杳
靄入天壑冥茫見道心超然無俗事清宴有空林
江上饒奇山噴羅雲水間風秋樹色雜苔古石文斑巴
俗將千澹澨湖凡幾灣嬉遊竟不盡乘月汎舟還

和尹忭

張說

滙湖佳可遊既近復能幽林裏栖精舍山間轉去舟
飛江月冷猿嘯野風秋不是迷鄉客尋奇處處留

和尹忭 二首

趙冬曦

政理常多暇方舟此泝洄吹笙虛洞荅舉楫便風催
山暗雲猶辨潭幽月稍來清谿無數曲未盡莫先迴
煙靄夕微蒙幽灣賞未窮艤舟待初月褰幌招遠風
鶴聲聒前浦漁火明暗叢東山雲壑意不謂爾來同

和尹忭 二首

張均

遠水沈沈西日寒沙聚夜鷗平湖乘月滿飛棹接星流黃

葉鳴淒吹蒼葭掃暗洲願移滄浦賞歸侍潁川遊

灣潭幽意深杳靄涌寒岑石痕秋水落嵐氣夕陽沈澄
徹天爲底淵玄月作心青谿非大隱歸弄白雲潯

峽中作

盧象

高唐幾百里樹色一作雲樹接陽臺晚見江山霽宵聞風雨

來雲一作雷從三峽起天向數峯開靈境信難見輕舟那

可回

出峽

胡皓

巴東三峽盡曠望九江開楚塞雲中出荆門水上來魚
龍潛嘯雨鳧鴈動成雷南國秋風晚客思幾悠哉

瞿塘兩崖

杜甫

三峽傳何處雙崖壯此門入天猶石色穿水忽雲根
猿鬚髯古蛟龍窟宅尊羲和冬馭近愁畏日車翻

峽口 二首

峽口大江間西南控百蠻城欵連粉堞岸斷更青山
開當天險防隅一水關亂離聞鼓角秋氣動衰顏
時清關失險世亂戟如林去矣英雄事荒哉割據心
蘆花留客晚楓樹坐猿深疲薊煩親故諸侯數賜金

秋峽

江濤萬古峽肺氣久衰翁不寐防巴虎全生狎楚童
衣

裳垂素髮門巷落丹楓嘗恠商山老兼存翊贊功

峽隘

聞說江陵府雲沙靜眇然白魚如切玉朱橘不論錢
水有遠湖樹人今何處船青山各在眼却望峽中天

灩澦堆

巨石水中央江寒出水長沈牛咎雲雨如馬戒舟航
天意存傾覆神功接混茫干戈連解纜行止憶垂堂

滇陽峽

張九齡

行舟傍越岑窈窕越谿深水闇先秋冷山晴當晝陰
重林間五色對壁聳千尋惜此生遐遠誰知造化心

道峽似巫山

朱使欣

江如曉天靜石似暮雲張征帆一流覽宛若巫山陽楚
客思歸路秦人謫異鄉猿鳴孤月夜再使淚霑裳

和朱使欣 二首

張說

南土多遺寇西江盡畏途山行阻篔竹水宿礙荏蒲使
越才應有征蠻力豈無空傳人贈劔不見虎銜珠

江勢連山遠天涯此夜愁霜空極天靜寒月帶江流思
起南征棹文高北望樓自憐如墜葉汎汎侶一作仙舟

望秦川

李頎

秦川朝望迴日出正東峯遠近山河淨逶迤城闕重秋

聲萬戶竹寒色五陵松客有歸歟歎悽其霜露濃

入秦川界

盧照隣

隴阪長無極蒼山望不窮石逕縈疑斷回流映似空花
開綠野霧鶯囀紫巖風春芳勿遽盡留賞故人同

終南東谿中作

岑參

谿水碧於草潺潺花底流沙平堪濯足石淺不勝舟洗
藥朝與暮釣魚春復秋興來從所適還欲向滄洲

武陵谿泛

孟浩然

武陵川路狹前棹入花林莫測幽源裏仙家信幾深水
迴青嶂合雲度綠谿陰坐聽閒猿嘯彌清塵外心

泛鏡湖南谿

宋之問

乘興入幽棲舟行日向低巖花候冬發谷鳥作春啼
噴開天小叢篁夾路迷猶聞可憐處更在若邪谿

遊越谿

鄭紹

谿水碧悠悠猿聲斷客愁漁潭逢釣楫月浦值孤舟
訪泊隨煙火迷途視斗牛今宵越鄉意還取醉忘憂

初發曲江谿中

張九齡

谿流清且深松石復陰臨正爾可嘉處胡為無賞心
我由不忍別物亦有緣侵自匪嘗行邁誰能知此音

耒陽谿夜行

才少棹歸舟緣源路轉幽月明看嶺樹風靜聽谿流
嵐氣船間入霜華衣上浮猿聲雖此夜不是別家愁

溪上

杜甫

峽內淹留客溪邊四五家古苔生迳地秋竹隱疎花
塞俗人無井山田飯有沙西江使船至時復問京華

雙楓浦

輟棹青楓浦雙楓舊已摧自驚衰謝力不道棟梁材
浪足浮紗帽皮須截錦苔江邊地有王暫借上天迴

宿范浦

崔國輔

月暗潮又落西陵渡暫停村煙和海霧舟火亂江星
路

轉定山遠

一作遠

塘連范浦橫鷓夷近何去空山臨滄溟

遊九龍潭

同太平公主作

則天皇后

山牕遊玉女澗戶對瓊峯巖頂翔雙鳳潭心倒九龍酒
中浮竹葉杯上寫芙蓉欲驗山家賞唯有風入

一作入風松

白馬潭

杜甫

水生春纜沒日出野船開宿鳥行猶去叢花笑不來人
人傷白首處處接金杯莫道新知寡

一作要

南征且未迴

觀魚潭

李白

觀魚碧潭上木落潭水清日暮紫鱗躍圓波處處生涼
煙浮竹盡秋月照沙明何必滄浪去茲焉可濯纓

沙苑南渡頭

王昌齡

秋霧連雲白歸心浦淑懸津人空守纜村館復臨川蓬
隔蒼茫雨波連演漾田孤舟未得濟入夢在何年

晚發五渡

岑參

客厭巴南地鄉鄰劔北天江村片雨外野寺夕陽邊芊
葉藏山徑蘆花雜渚田舟行未可任乘月且須牽

與鄆縣源少府泛漢陂

載酒入天色水涼難醉人清搖縣郭動碧洗雲山新吹
笛驚白鷺垂竿跳紫鱗憐君公事後陂上日娛賓

與鄆縣羣官泛漢陂

萬頃浸天色千尋窮地根舟移城入樹岸澗水浮村閒
鷺驚簫管潛蚪傍酒樽暝來呼小吏列火儼歸軒

遊秋浦白筇陂二首

李白

何處夜行好月明白筇陂山光搖積雪猿影挂寒枝但
恐佳景晚小令歸棹移人來有清興及此正相思
白筇夜長嘯爽然谿谷寒魚龍動陂水處處生波瀾天
借一明月飛來碧雲端故鄉不可見腸斷正西看

汎前陂

王維

秋空自明迴況復遠人間一作暢以沙際鶴兼之雲外
山澄波一作澹將夕清月皓方閒此夜任孤棹夷猶殊

未還

溫泉

惟此溫泉是稱愈疾豈余獨受其福思與兆人共之乘暇巡遊乃言其志

玄宗

桂殿與山連蘭湯湧自然陰崖含秀色溫谷吐潺湲績
爲蠲邪著功因養正宣願言將億兆同此共昌延

奉和

張說

溫谷媚新豐驪山橫半空湯池薰水殿翠木暖煙宮起
疾逾仙藥無私合聖功始知堯舜德心與萬人同

初出洛城奉和聖製

張九齡

東土淹龍駕西人望翠華山川祇詢物宮觀豈爲家十

月迴星一作星迴斗千官捧日一作日捧車洛陽無怨思巡幸更

非賒

從駕出長安城 一作宋之問

王昌齡

聖德超千古皇風扇九圍天迴萬象出駕動六龍飛淑氣來黃道祥雲覆紫微太平多扈從文物有光輝

初出京城 和杜相公

岑參

按節辭黃閣登壇戀赤墀銜恩期報主授律遠行師野鵲迎金印郊雲拂畫旗叨陪幕中客敢和出車詩

登襄陽城

杜審言

旅客三秋至層城四望開楚山橫地出漢水接天回冠

春并新里章華卽舊臺習池風景異歸路滿塵埃

登潤州城

丘爲

天末江城晚登臨客望迷春潮平島嶼殘雨隔虹蜺鳥與孤帆遠煙和獨樹低鄉山何處是目斷廣陵西

岳州山城

張說

山城豐日暇閉戶見天心東曠迎朝色西樓引夕陰書觀千載近學靜二毛深忽有南風至吹君堂上琴

和燕公

趙冬曦

爲吏恩猶舊投沙惠此蒙江邊攸爾處泗上宛然同訪道精言合論經大義通鳴琴有真氣况已沐清風

奉和 一作張均

張均

郡館臨清賞開 一作開 扇坐白雲訟虛棠戶曙觀靜竹簷
曠懸榻迎賓下趨庭學禮聞風傳琴上意遙向日華紛

上白帝城

杜甫

城峻隨天壁樓高更 一作望 女墻江流思夏后風至憶襄
王老去聞悲角人扶報夕陽公孫初恃險躍馬意何長

泊岳陽城下

江國踰千里山城僅百層岸風翻夕浪舟雪灑寒燈留
滯才難盡艱危氣益增圖南未可料變化有鯢鵬

過函谷關

宋之問

二十四載海內何紛紛六國兵同合七雄勢未分從
成拒秦帝策決問蘇君雞鳴將狗盜論德不論勳

過函谷關

楊齊哲

地險嶠函北途經分陝東逶迤衆山盡荒涼古塞空河
光流曉日樹影散朝風聖德今無外何處是關中

散關晨度

王勃

關山凌旦開石路無塵埃白馬高譚去青牛真氣來重
門臨巨壑連棟起崇隈卽今揚策度非是棄繻回

發興州

蘇頲

危途曉未分驅馬傍江濱
滴滴泣花露微微出岫雲松

稍半吐月蘿翳漸移曛旅客腸應斷吟猿更使聞

發潭州

杜甫

夜醉長沙酒曉行湘水春岸花飛送客檣燕語留人賈
傳才何一作未有褚公書絕倫名高前後事回首一傷神

發錦沙村

崔顥

北上途未半南行歲已闌孤舟下建德江水入新安海
近山常雨谿深地早寒行行泊不可須及子陵灘

易陽早發

王勃

飭裝侵曉月奔策候殘星危閣尋丹嶂迴梁屬翠屏雲
間迷樹影霧裏失峯形復此涼飈至空山飛夜螢

焦岸早行

和陸四

侵星違旅館乘月戒征儔復嶂迷晴色虛巖辨暗流猿
吟山漏曉螢散野風秋故人渺何際鄉關雲霧浮

早發平昌島

沈佺期

解纜春風後鳴榔曉漲前陽鳥出海樹雲鴈下江煙積
氣衝長島浮光溢大川不能懷魏闕心賞獨冷然

途中曉發

崔曙

曉霽長風裏勞歌赴遠期雲輕歸海疾月滿下山遲旅
望因高盡鄉心遇物悲故林遙不見況在落花時

舟行旦發

張軫

夜帆時未發同侶暗相催山曉月初下江鳴潮欲來稍
分揚子岸不辨越王臺自客水鄉裏舟行知幾迴

曉發

賀知章

江臯聞曙鐘輕棹理還艸海潮夜約約川露晨溶溶始
見沙上鳥猶埋雲外峯故鄉杳無際明發懷朋從

早行

郭良

早行星尚在數里未天明不辨雲林色空聞風水聲月
從山上落河入斗間橫漸至重門外依稀見洛城

麻平晚行

王勃

百年懷土望千里倦遊情高低尋戍道遠近聽泉聲
壩

葉纔分色山花不辨名羈心何處盡風急暮後清

下京口埭夜行

孫逖

孤帆度綠氛寒浦落紅曛江樹朝來出吳歌夜漸聞南
溟接潮水北斗近鄉雲行役從茲去歸情入鴈羣

望鄉夕泛

駱賓王

歸懷剩不安促榜犯風瀾落宿含樓近浮月帶江寒喜
逐行前至憂從望裏寬今夜南枝鵲應無繞樹難

晚行口號

杜甫

三川不可到歸路晚山稠落鴈浮寒水饑鳥集戍樓市
朝今日異喪亂幾時休遠愧梁江總還家尚黑頭

過江赴荊州

四月一日作

張說

春色沅湘盡三年客始回
夏雲隨北帆同日過江來
水漫荆門出山平郢路開
比肩楊叔子千載豈無才

下江南向夔州

天明江霧歇洲浦棹歌來
綠水逶迤去青山相向開
城臨蜀帝祀雲接楚王臺
舊知巫山上遊子共徘徊

自洛之越

孟浩然

皇皇三十載書劍兩無成
山水尋吳越風塵厭洛京
扁舟泛湖海長揖謝公卿
且樂杯中物誰論世上名

經行嵐州

杜審言

北地春光晚邊城氣候寒
往來花不發新舊雪仍殘
水作琴中瑟山疑畫裏看
自驚牽遠役艱險促征鞍

經梧州

宋之問

南國無霜霰連年見物華
青林暗換葉紅蘂續開花
春去聞山鳥秋來見海槎
流芳雖可悅會自泣長沙

經三泉路作

蘓頌

三月松作花春行日漸賒
竹障一作妨山鳥路藤蔓一作沒
野人家透石飛梁下尋雲絕
磴斜此中誰與樂揮涕語

年華

過蠻洞

宋之問

越領千重合蠻溪十里斜竹迷樵子徑萍匝釣人家林
暗交楓葉關香覆橘花誰憐在荒外一作微孤賞足雲霞

過鄭曲

祖詠

路向榮川谷一作夕晴來望盡通細煙生水上圓月在舟
中岸勢迷行客秋聲亂草蟲旅懷勞自慰浙浙有涼風

入喬口

杜甫

漠漠舊京遠遲遲歸路賒殘年傷水國落日對春華樹
密早蜂亂江泥輕燕斜賈生骨已朽悽惻近長沙

途次陝州

玄宗

境出三秦外途分二陝中山川入虞虢風俗限西東樹

古棠陰在耕餘讓畔空鳴笳從此去行見洛陽宮

奉和

張說

周召嘗分陝詩書空復傳何知萬乘睠追賞二南篇鄴
帶洪河側宮臨大道邊洛城將日近佳氣滿山川

奉和

張九齡

馳道當河陝陳詩問國風川原三晉別襟帶兩京同後
殿函關盡前旌關塞通行看洛陽陌光景麗天中

途次望鄉

孟浩然

客行愁落日鄉思重相催况在他山外天寒夕鳥來雪
深迷郢路雲暗失陽臺可歎悽惶子高一作狂歌誰為一作勞

媒一作謀

次蘇州

李义

洛渚問吳潮吳門想洛橋夕煙楊柳岸春水木蘭橈城
邑南樓近星辰北斗遙無因生羽翼輕舉託還飈

晚次樂鄉縣

陳子昂

故鄉杳無際日暮且孤征川原迷舊國道路入邊城野
戍荒煙斷深山古木平如何此時恨噉噉夜猿鳴

宿武陵卽事

孟浩然

川暗夕陽一作陵盡孤舟泊岸初嶺猿相叫嘯潭嶂一作影
似空虛就枕滅明燭扣舷聞夜漁雞鳴問何處人物是

秦餘

淮陰夜宿二首

孫逖

水國南無畔扁舟北未期鄉情淮上失歸夢郢中疑木
落知寒近山長見日遲客行心緒亂不及洛陽時
永夕卧煙塘蕭條天一方秋風淮水落寒夜楚歌長宿
莽非中土鱸魚豈我鄉孤舟行已倦南越尚茫茫

深灣夜宿

王勃

津途臨巨壑村宇架危岑堰絕灘聲隱峯交樹影深江
童暮理楫山女夜調砧此時故鄉遠寧知遊子心

泊舟盱眙

一作常建

韋建

泊舟淮水次霜降夕流清夜久潮侵岸天寒月近城平
沙依鴈宿候館聽雞鳴鄉國雲霄外誰堪羈旅情

幸蜀西至劔門

玄宗

劔閣橫雲峻鑿輿出狩廻翠屏千仞合丹嶂五丁開灌
木縈旗轉仙雲拂馬來乘時方在德嗟爾勒銘才

從駕至河東

王昌齡

晉水千廬合汾橋萬國從開唐天業盛入沛聖恩濃下
輦廻三象題碑任六龍睿明懸日月千載一作歲此時逢

至分陝

駱賓王

陝西開勝壤召南分沃疇列樹巢維鵠平渚下睢鳩憩

棠疑勿翦曳葛似攀膠至今王化美非獨在隆周

至分水戍

行役總離憂復此愴分流濺石廻湍咽縈叢曲澗幽陰
崖常結晦宿莽競含秋況乃霜晨早寒風入戍樓

初達驩州

沈佺期

自昔聞銅柱行來向一年不知林邑地猶隔道明天雨
露何時及京華若箇邊思君無限淚堪作日南泉

初至犍爲作

岑參

山色軒檻內灘聲枕席間草生公府靜花落訟庭閒雲
雨連三峽風塵接百蠻到來能幾日不覺鬢毛斑

夜到潤州

孫逖

夜到一作入丹陽郡天高氣象秋海隅雲漢轉江畔火星

流城郭傳金柝閭闔閉綠洲客行凡幾夜新月再如鈎

泝江至武昌

孟浩然

家本洞湖一作庭上歲時歸思催客心徒欲速江路苦遭

迴殘凍因風解新正度一作梅變臘開行看武昌柳髣髴映

樓臺

陝中作

蔡希寂

西別秦關近東行陝服長川原餘讓畔歌吹憶遺棠河
水流城下山雲起路傍更憐棲泊處池館繞林篁

永嘉作

張子容

拙宦從江左投荒更海邊山將孤嶼近水共惡谿連地
濕梅多雨潭蒸竹起煙未應悲晚髮炎瘴苦華年

北庭作

岑參

鴈塞通鹽澤龍堆接醋溝孤城天北畔絕域海西頭秋
雪春仍下朝風夜不休可知年四十猶自未封侯

南楚

杜甫

南楚青春異暄寒早早分無名江上草隨意嶺頭雲正
月蜂相見非時鳥共聞杖藜妨躍馬不是故離羣

長柳

王勃

晨征犯煙磴夕憩在雲關晚風清近壑新月照澄灣郊
童樵唱返津叟釣歌還客行無與晤賴此釋愁顏

秦州 二十首

杜甫

滿目悲生事因人作遠遊遲迴度隴怯浩蕩及關愁水
落魚龍夜山空鳥鼠秋西征問烽火心折此淹留
秦州城北寺傳是隗囂宮苔蘚山門古丹青野殿空月
明垂葉露雲逐度谿風清渭無情極愁時獨向東
州圖領同谷驛道出流沙降虜兼千帳居人有萬家馬
驕朱汗落胡舞白題斜年少臨洮子西來亦自誇
鼓角緣邊郡川原欲夜時秋聽 也發風散入雲悲抱

葉寒蟬靜歸山獨鳥遲萬方聲一槩吾道竟何之
南使宜天馬由來萬匹強浮雲連陣沒秋草徧山長
說真龍種仍殘老驪驪哀鳴思戰鬪迴立向蒼蒼
城上胡笳奏山邊漢節歸防河赴滄海奉詔發金微士
苦形骸黑林疎鳥獸稀那堪往來戎恨解鄴城圍
莽莽萬重山孤城山谷間無風雲出塞不夜月臨關屬
國歸何晚樓蘭斬未還煙塵一長望衰颯正摧顏
聞道尋源使從天此路回牽牛去幾許宛馬至今來一
望幽燕隔何時郡國開東征健兒盡羌笛暮吹哀
今日明人眼臨池好驪亭叢篁低地碧高柳半天青稠

疊多幽事喧呼閱使星老夫如有此不異在郊坰
雲氣接崑崙淅淅寒雨繁羌童看渭水使客向河源
火軍中幕牛羊嶺上村所居青草靜正閉小蓬門
蕭蕭古塞冷漠漠秋雲低黃鵠翅垂雨蒼鷹饑啄泥
門誰自北漢將獨征西不意書生耳臨衰厭鼓鞞
山頭南郭寺水號北流泉老樹空庭得清渠一邑傳秋
花危石底晚景卧鍾邊俯仰悲身世谿風爲颯然
傳道東柯谷深藏數十家對門藤蓋瓦映竹水穿沙
瘦地翻宜粟陽坡可種瓜船人近相報但恐失桃花
萬古仇池穴潛通小有天神魚人不見福地語真傳近

接西南境長懷十九泉何時一茅屋送老白雲邊
未暇泛滄海悠悠兵馬間塞門風落木客舍雨連山
籍行多與龐公隱不還東柯遂疎嬾休鑷鬢毛斑
東柯好崖谷不與衆峯羣落日邀雙鳥晴天卷片雲
野人矜險絕水竹會平分采藥吾將老兒童未遣聞
邊秋陰易夕不復辨晨光簷雨亂淋幔山雲低度墻
鷓鴣窺淺井蚯蚓上深堂車馬何蕭索門前百草長
地僻秋將盡山高客一作未歸塞雲多斷續邊日少光
輝警急烽常報傳聲一作檄屢飛西戎外甥國何得近
天威

律詩 卷二十一 四十九
鳳林戈未息魚海路常難候火雲峯峻懸軍幕并乾風
遠西極動月過北庭寒故老思飛將何時議築壇
唐堯真自聖野老復何知曬藥能無婦應門亦有兒藏
書聞禹穴讀記憶仇池爲報鵝行舊鷓鴣在一枝

首秋輪臺

岑參

異域陰山外孤城雪海邊秋來唯有鴈夏盡不聞蟬雨
拂墻濕風搖毳幕羶輪臺萬里地無事歷三年

輪臺卽事

輪臺風物異地是古單于三月無青草千家盡白榆蕃
書文字別胡俗語音殊愁見流沙北天西海一隅

襄城卽事

崔湜

子牟懷魏闕元凱滯襄城冠蓋仍爲里池臺尚識名山
光晴後綠江色晚來清借問東流水何時到玉京

漢陽卽事

儲光羲

楚國千里遠孰知方寸違春遊歡有客夕寢賦無衣汪
水帶冰綠桃花隨雨飛九歌有深意捐珮乃言歸

巴南書事

岑參

渡口欲黃昏歸人爭渡喧近鐘清野寺遠火點江村見
鴈思鄉信聞猿積淚痕孤舟萬里外一作夜秋月不堪論

度荆門望楚

陳子昂

遙遙去巫峽望望下章臺巴國山川盡荆門煙霧開城
分蒼野外樹斷白雲隈今日狂歌客誰知入楚來

望臨洮

王昌齡

飲馬度秋水水寒風似刀平沙日未沒黯黯見臨洮當
日長城戰咸言意氣高黃塵足今古白骨亂蓬蒿

蜀路

張說

雲埃夜澄廓山日曉晴鮮葉落滄江岸鴻飛白露天磷
磷寒水石冪冪覆林煙客心久無緒秋風殊未然

途中有懷

駱賓王

睠然懷楚奏悵矣背秦關涸鱗驚照轍墜羽怯虛響素

服三川化烏裘十上還莫言無皓齒時俗薄朱顏

凌朝浮江旅思

一作韋承慶

馬周

太清上初日春水送孤舟山遠疑無樹潮平似不流岸
花開且落江鳥沒還浮羈望傷千里長歌遣四愁

江南初霽羈懷

和杜學士

李嶠

大江開宿雨征棹下春流霧捲晴山出風恬晚浪收岍
花明水樹川鳥亂沙洲羈眺傷千里勞歌動四愁

早寒江上旅懷

孟浩然

木落鴈南

一作初

度北風江上寒我家襄

一作湘

水上

一作

曲遙隔楚雲

一作山

端鄉淚客中盡孤

一作歸

帆天際

一作外

看迷津欲有問平海夕漫漫

旅寓安南

杜審言

交趾殊風候寒遲曉復催仲冬山果熟正月野花開積
雨生昏霧輕霜下震雷故鄉踰萬里客思倍從來

客廣陵

王昌齡

樓頭廣陵近九月在南徐秋色明海縣寒煙生里閭夜
帆歸楚客昨日度江書爲問易名叟垂綸不見魚

客成都

田澄

蜀郡將知遠城南萬里橋衣緣鄉淚濕貌以客愁銷地
富魚爲米山芳桂是樵旅遊唯得酒今日過明朝

久客臨海有懷

駱賓王

天涯非日觀地岷一作岳望星樓練光遙亂馬劒氣上連
牛草濕姑蘇夕葉下洞庭秋欲知悽斷意江上涉安流

江南旅情

祖詠

楚山不可極歸路但蕭條海色晴看雨江聲夜聽潮劒
留南斗近書寄北風遙爲報空潭橘無媒贈一作寄洛橋

湘中旅懷

同王徵君

張謂

八月洞庭秋瀟湘水北流還家萬里夢爲客五更愁不
用開書帙一作篋偏宜上酒樓故人京洛滿何日復同遊

旅懷

杜甫

律詩
卷二十一
五十一
細草微風岸危檣獨夜舟星垂平野闊月湧大江流名
豈文章著官應老病休飄飄何所似天地一沙鷗

久客

羈旅知交態淹留見俗情衰顏聊自哂小吏最相輕去
國哀王粲傷時哭賈生狐狸何足道豺虎正縱橫

客夜

客睡何曾著秋天不肯明入一作簾殘月影高枕遠江
聲計拙無衣食途窮仗友生老妻書數紙應悉未歸情

客舟

風餐江柳下雨卧驛樓邊結纜排魚網連檣並米船今

朝雲細薄昨夜月清圓飄泊南庭老祗應學水仙

客亭

秋牕猶曙色木落更天風日出寒山外江流宿霧中聖
朝無棄物老病已成翁多少殘生事飄零任一作轉蓬


客舊館

陳迹隨人事初秋別此亭重來梨葉赤依舊竹林青風
幔何時卷寒砧昨夜聽無由出江漢愁緒日冥冥

蔡陽館作

孟浩然

日暮馬行疾城荒人住稀聽歌知近楚投館忽如歸魯
堰田疇廣章陵氣色微明朝拜嘉一作慶須着老萊衣



鐵關西館作

岑參

馬汗踏成泥朝馳幾萬蹄雪中行地角火處宿天倪塞
迴心常怯鄉遙夢亦迷那知故園月也到鐵關西

竹里館作

盧象

江南水不閉山澤氣潛通臘月聞山鳥寒崖見蟄熊柳
林春半合荻笋亂無叢回首金陵岸依依向北風

清谿館作

談戢

指途清谿裏左右唯深林雲蔽望鄉處雨愁爲客心遇
人多物役聽鳥時幽音何必滄浪水庶茲浣塵襟

題嶽館

沈佺期

洞壑仙人館孤峯玉女臺空濛朝氣合窈窕夕陽開

荒一作

澗含輕雨虛巖應薄雷正逢鸞與鶴歌舞出天來

題宛谿館

李白

吾憐宛谿好百尺照心明何謝新安水千尋見底清白
沙留月色綠竹助秋聲却笑巖湍上于今獨擅名

題壽安王主簿館

蘇頲

洛邑通馳道韓郊在屬城館將花雨映潭與竹聲清賢
俊鸞栖棘賓遊馬佩蘅願言隨狎鳥從此濯吾纓

方騫驛

傳置遠山蹊龍鐘蹴澗泥片陰常作雨微照已生霓鬢

律詩 卷二十九 五十四
髮愁氛換心情險路迷方知向蜀老偏識子規啼

白沙驛

杜甫

水宿仍餘照人煙復此亭驛邊沙舊白湖外草新青萬
象皆春氣孤槎自客星隨波無限月一作好的近南溟

深渡驛

一作張九齡

張說

旅宿青山夜荒庭白露秋洞房懸月影高枕聽江流猿
響寒巖樹螢飛古驛樓他鄉對搖落併覺起離憂

題大庾嶺北驛

宋之問

陽月南飛鴈傳聞至此迴我行殊未已何日復歸來江
靜潮初落林昏瘴不開明朝望鄉處應見隴頭梅

虛池驛題屏風

宜芬公主

出嫁辭鄉國由來此別難聖恩愁遠道行路泣相看沙
塞容顏盡邊隅粉黛殘妾心何所斷他日望長安

端州驛前與高六別處

張說

舊館分江日一作淒然望落暉相逢傳旅食臨別換征
衣昔記山川是今傷人代非往來皆此路生死不同歸

楊固店

岑參

客舍梨葉赤鄰家聞擣衣夜來嘗有夢墜淚緣思歸洛
水行欲盡緱山看漸微長安祗千里何事信音稀

千塔主人

王維

逆旅逢佳節征帆未可前
牕臨汴河水門渡楚人船
雞犬散墟落桑榆蔭遠田
所居人不見枕席生雲煙

宿五松山下荀媪家

李白

我宿五松下寂寥無所歡
田家秋作苦鄰女夜舂寒
跪進雕胡飯月光明素盤
令人慙漂母三謝不能餐

南征

杜甫

春岸桃花水雲帆楓樹林
偷生長避地適遠更霑襟
老病南征日君恩北望心
百年歌自苦未見有知音

去蜀

五載客蜀郡一年居歸梓州
如何關塞阻轉作瀟湘

遊世事已黃髮殘生隨白鷗
安危大臣在不一作必派
長流

遊子

巴蜀愁誰語吳門興杳然
九江春草外三峽暮帆前
厭就成都卜休爲吏部眠
蓬萊如可到衰白問羣仙

薄遊

浙浙風生砌團團月隱墻
遙空秋鴈滅一作半嶺暮雲
長病葉多先墜寒花只暫香
巴城添淚眼今夕復清光

遠遊二首

賤子何人記迷方著處家
竹風連野色江沫擁春沙
種

藥扶衰病吟詩解歎嗟似聞胡騎走失喜問京華
江闊浮高棟雲長出斷山塵沙連越嶠風雨暗荆蠻鴈
矯銜蘆內猿啼失木間弊裘蘇季子歷國未知還

少遊荆湘因有是題

沈佺期

峴北焚蛟浦巴東射雉田歲時宜楚俗耆舊在襄川憶
昨經過處離今二十年因君訪生死相識幾人全

十三四時嘗從巫峽過他日偶然有思

小度巫山峽荆南春欲分使君灘上草神女廟前雲樹
悉江中見猿多天外聞別來如夢裏一想一氛氲

懷灞上游

杜甫

悵望東陵道平生灞上游春濃停野騎夜宿敞雲樓
別人誰在經過老自休眼前今古意江漢一歸舟

憶鄭南坻

鄭南伏毒寺瀟灑到江心石影銜珠閣泉聲帶玉琴風
杉曾曙倚雲嶠憶春臨萬里滄浪一作茫水龍蛇只自深

懷錦水居止

二首

軍旅西征僻風塵戰伐多猶聞蜀父老不忘舜謳歌天
險終難立柴門豈重過朝朝巫峽水遠逗錦江波

萬里橋西

一作南

宅百花潭北莊層軒皆面水老樹飽經

霜雪嶺界天白錦城曛日黃惜哉形勝地回首一茫茫

河西春暮憶秦中

岑參

渭北春已老河西人未歸邊城細草出客館梨花飛別後鄉夢數昨來家信稀涼州三月半猶未脫寒衣

過酒泉憶杜陵舊居

昨夜宿祈連今朝過酒泉黃沙西際海白草北連天愁裏難消日歸期尚隔年陽關萬里夢知處杜陵田

早發馬耆懷終南舊居

曉笛引鄉淚秋冰鳴馬蹄一身虜雲外萬里胡天西終日見征戰連年聞鼓鼙故山在何處昨夜夢清谿

巴南舟中思陸渾舊居

瀘水南州遠巴山北客稀嶺雲獠亂起谿鷺等閒飛鏡裏愁衰鬢舟中換旅衣夢覓知憶處無夜不先歸

春日懷歸

杜審言

心是傷歸望春歸異往年河山鑿魏闕桑梓憶秦川花雜芳園鳥風和綠野煙更懷歡賞地車馬洛橋邊

秋日還鄉有懷

和魏僕射

張說

富貴還鄉國光輝滿舊林秋風樹不靜君子嘆何深故老空懸劔隣交自一作日散金衆芳搖落盡獨有歲寒心

前題

蘇頌

南宮夙拜罷東道晝遊初飲餞傾冠蓋傳呼問里閭樹

悲縣劍所溪想釣璜餘明發光輝至增榮一作喧聞駟馬車

自薊北歸

高適

驅馬薊門北北風邊馬哀蒼茫遠山口豁達胡天開五將已深入前軍止半迴誰憐不得意長劍獨歸來

歸至郢中

孟浩然

遠遊經海嶠返棹歸山阿日夕見喬木鄉關一作園在伐柯愁隨江路盡喜一作意入郢門多左右看桑土依然即

匪他

還東山洛上作

岑參

春流急不淺歸棹去何遲愁客葉舟裏夕陽花水時雲

晴開蟬竦棹發起鷗鷁莫道東山遠衡門在夢思

歸嵩山作

王維

清川帶長薄車馬去閒閒流水如有意暮禽相與還荒城臨古渡落日滿秋山迢遞嵩高下歸來且閉關

歲暮歸南山

孟浩然

北闕休上書南山歸敝廬不才明主棄多病故人疎白髮催年老青陽逼歲除永懷愁不寐松月夜牕虛

自豫章南還江上作

張九齡

歸去南江水磷磷見底清轉逢空闊處聊洗滯留情浦樹遙如待江鷗近若迎津途別有趣況乃濯吾纓

同曹三御史泛湖歸越

孟浩然

秋入詩人意一作興巴歌和者稀泛湖同逸旅一作泊吟會
是思歸白簡徒推薦滄洲已拂衣杳冥雲外一作海去誰
不羨鴻飛

歸輞川作

王維

谷口疎鍾動漁樵稍欲稀悠然遠山暮獨向白雲歸
蔓弱難定楊花輕易飛東臯春草色惆悵掩柴扉

正月三日歸谿上作

簡院內諸公

杜甫

野外堂依竹籬邊水向城蟻浮仍臘味鷗泛已春聲
藥許隣人斲書從稚子擎白頭趨幕府深覺負平生

晚歸故園

李頎

荆扉帶郊郭稼穡滿東菑倚杖寒山暮鳴梭秋葉時
回雲覆陰谷返景照霜梨澹泊真吾事清風別自茲

歸

杜甫

束帶還騎馬東西却渡船林中纔有地峽外絕無天
虛白高人靜喧卑俗累牽他鄉閱遲暮不敢廢詩篇


歸來

客裏有所適歸來知路難開門野鼠走散帙壁魚乾洗
杓開新醞低頭拭小盤一作小冠憑誰給麴蘖細酌老江

干

歸夢

道路時通塞江山日寂寥偷生惟一老伐叛已三朝雨
急青楓暮雲涼黑水遙夢竟一作歸歸未得不用楚辭招



歸

林甫

雲鬢劍谷殘景照露染鬢亦真吾事青風限自茲
曉氣帶波涼綠鬢滿東菑尚林寒山暮照對秋葉却回

與融文園

李商

